

於名尋思 唯有名已，即於此名如實了知：如是名為如是義，於事假立

為令世間起想起見起言說

若無有執 則無言說

若無有想 則無有能起增益執

若於一切色等想事，不假建立色等名者，無有能於色等想事起色等想

若能如是如實了知，是名名尋思所引如實智

於事尋思 唯有事已，觀見一切色等想事 - 性離言說，不可言說

若能如是如實了知，是名事尋思所引如實智

於自性假立尋思 唯有自性假立已，如實通達了知色等想事中，所有自性假立 非彼事自性 而似彼事自性顯現

又能了知彼事自性，猶如變化、影像、響應、光影、水月、焰火、夢幻，相似顯現而非彼體

若能如是如實了知，最勝深義所行境界是名自性假立尋思所引如實智

於差別假立尋思 唯有差別假立已，如實通達了知色等想事中，差別假立不二之義

謂彼諸事 非有性 - 可言說 性不成實故

非無性 - 離言說 性實成立故

如是有性, 無性

如是由勝義締故 - 非有色 - 於中無有諸色法故

由世俗締故 - 非無色 - 於中說有諸色法故

如是有色, 無色

如是有見、無見等差別假立門
由如是道理，一切皆應了知

若能如是如實了知，差別假立不二之義，是名差別假立尋思所引如實智